履

東

業

話

嘗論天下之水自淮而北由九 塞故三吳之間多水患 震澤底定是也今九河旣塞故燕趙之問多霖僚三江 水學 入于海者是也自淮而南由三江入海書所謂三江旣 南治江淮北治河同 常順逆乍改其患在決雖竭人功而天司其命江 總論 治也而迥然不侔黄河之水 勾吳 河入海書所謂同為逆河 錢 泳 梅 溪 樷 話 賴. 四

懼 功 Ń 水舒迴百折趨納有準其患在塞雖仰天駅而 揚子其中緒蓄者 吳澤國也萬水所歸東環滄海西臨具區南 都論水于江北其利 則有吳淞 水黃河之徙江南病水太湖之溢以治河之法治 必有擠以治河之費治 通 經絡買申葢血脈不 劉 x河白茅: 則有麗 在漕論水于江南其利 七浦諸水縱橫 江 則事半而 山陽城沙河昆城諸水宣 和則病經絡不 功倍矣 聯 絡 加 抵錢塘 在 舒 人之一 田 則 職 江 团 迪 恐

以分其勢于蘇州則開江湖以導其流並疏塘浦 命 脈叉備規制以善其後惟是上源之來者 水之大要惟一 日滯潮汐往來易于淤塞故居末五代 、于溧陽之上 5時濬治水不為害而民常豐足 無傷于天地之和 /水學 漁水 一道曰蓄曰洩而已蓄以備早洩以 一 則資洩以疏通 過其衝于常州則穿港 不衰 孫淺夫開 通

治 范文正公日今之世有所與作橫議先至至哉言乎故。 鍔言水利專于治水要之治水卽所以治田治田卽所以 朱政和問趙霖體究治水之法有三一 前 塘以蓄水低田則挑築隄防以避水池塘旣深隄防旣 敦本二日協力三日因時故郟亶言水利專于治田單 水總而言之似瀚漫而難行柝而治之則簡約而易辨 水利與矣 **閘啟閉三日築圩裹田隆興間李結又獻治田之法** 田之民自治高田低田之民自治低田高田則開濬 日開治港浦二日 池

利之不與有六梗馬大都為工 科第家與諸生監爲之梗小民習懶性成難與圖始則刀 于鬱劃則當事為之梗享其利者而欲避其事恐科 朱有天下三百年命官修治三吳水利者三十餘次明有 畸勞逸之相懸張弛之相左則怨咨者爲之梗此六梗者 **預為之梗賣法者多程功者少則吏胥為之梗甘苦之相** 腴之田而爲累心則官宦家與富豪者爲之梗或有惑 利之所以不興而人心之所以未定也 風水之說某處不宜開某處不宜塞為文運之攸關 一費浩繁庫無儲積 派基 時

治水未免擾民然正恐其擾民故開江治水 太湖之為震澤具區笠澤五湖前人載之甚詳可不具論 **夫天下事最誤于因循而亦忌速成如治水大事也豈能** 入至于九年十年則無不告厥成功矣 天下三百年命官修治三吳水利者亦三十餘次葢開江 限時日而奏功乎大約一年二年而圍塀可成三年四年 惟是襟帶三州眾水所宅東南之利害繫焉其西北則自 而溝洫可深五年六年而浦濱可通七年八年而三江可 太 湖

源導其流皆為民興利除害而已 臨安餘杭以及湖州之安吉武康長興鳥程合苕霅兩 諸水會子宜與荆溪以入其西南則自宣欽天目諸 建康等處入溧陽迤邐至長塘河并鎮江丹陽金壇茅山 之水以入滙爲巨浸分布諸河一 則浸淫三吳之民田而被其害是以古人之治水也疏其 徐貫日太湖之水上流不濬無以開其源下流不濬 于海其底定也則灌溉三吳之民田而享其利其汎濫也 由長洲出崑山入劉河一 一、水學 一由無錫出常熟入白茆皆 一由吳江出長橋入吳松 溪

而 或 遇早則赤地千里遇水則一 日 洩湍流似可以爲萬世之利矣而不知湍流不暢則不達 導共歸洵至言也今五堰旣塞廣通又廢而吳江長橋 害而下民窮風下民窮處而賦無所出皆聽命于天時 有問于余日太湖之水為長橋所塞致三吳有漂沒之 枝河枝河之水不達于三江三江之水不達于大海故 亦於墊幾成平陸然上築周行以通行旅下開堰 非 不去之以復古之舊蹟乎日不可也從來治水治 也 望汪洋而農田為之害農田 D

說者謂吳江未築長隄以前吳中自來無水患旣築長堤 水監諸官又有所謂撩淺夫開江卒者年治月修故得 後橫截湖流不能宣洩水忠始于此矣余日不然吳地 來有營田軍庸田使農田水利使都水營田使以及 相其地宜 長橋而遂能為三吳之利耶只求斬其茭蘆濬其於 一帶海淤潮易積雖不築隄亦難治也試看五代宋元 相兼舟行陸行不能偏廢且病積日 順其水性修其堰洞通其湍流而已矣 八難以

定雖考訂精詳尋其故道豈再能復禹之舊蹟乎但以日 太谢諸口自宜常通不宜略塞水利之官自宜特設不宜 孔安國郭璞張守節程大昌為是余以為俱可弗論總之 三江之說自昔互異或以班固草昭桑欽諸家為是或以 以導江入海為第一義俾有蓄洩以溉三吳之民田為第 領耳 義葢古之治治水也今之治治田也時代既移滄桑莫 而論震澤之下可通入海者惟吳淞劉河白茅爲最利 三江

為害也今之治水者莫若因其勢之便而導之如近三泖 | 宅矣後之人但知開濬三江之為利而不知屢開屢塞之 水患之來却有故焉一塞于東江再塞于長橋水已失其 自禹導三江之後歷周泰漢魏晉唐不言三吳有水惠而 七府皆安而民被其利三江不通則太湖東注汎濫為災 者使八黃浦近沙河者使八婁江近昆城者使八白茅 即今日之三江也 王同祖曰三江通則太湖諸水不為害蘇松常鎮杭嘉 三吳先受其害矣故東南治水三吳爲急 //水學

惟太湖能緒譜三吳與太湖相聯絡一經霖潦有不先成 地 底定 也後之人有能翻大禹之舊案乎 使三江可并為一則大禹先并之矣何日三江旣入震澤 巨浸乎且太湖自西南而趨東北故必使失淞入海以分 淞而舍劉河白茅者亦有專治劉河而舍吳淞白茅者是 大凡治事必需通觀全局不可執一而論昔人有專濬吳 察三吳水勢也葢浙西諸州惟三吳為卑下數州之水 南之勢又必使劉河白茆皆入揚子江以分東北之勢

治三 溢于三吳之間民皆魚鼈矣可不危哉 太湖 勢然也假使嘉慶二十四年-不開吳淞 乙水以注海此又 所歸總滙于太湖而吳淞當太湖之衝使先洩 |江者自當以吳淞為急劉河白茆為次三 水不 東南之水不得入于錢塘自常州築五堰 來源 有以錢塘揚子 得入于揚子獨吳淞 一大學 說也 **吳淞為** 二
江
者
謂
杭
州
築
長
林 江當太湖下流洩 則癸未年之水汎 닌 |吳諸水衆 m 太湖 堰 州 西

溢 溧陽之上 太湖之水相與抗衡反無歸縮之路矣 門 昭慶寺前流入松木場為下河 具區又自天目東南出杭州 分布諸河至得勝諸壩為上河以灌海寧之田如西湖 三吳水源天目為大其水東出臨安汎溢而爲苕霅入于 則由諸壩流入下河合于餘杭塘河 水由分水銀林二 鄉嘉與松江以入吳淞黃浦諸港則下流先爲浸溢 有 五堰古來治水者所以節宣緣金陵九陽江 堰直超太平之蕪湖以入大江其 天竺諸 由湧金水門入城為濠 山滙而為西湖 遇霖潦則從 由

以商人由宣歙販運木簰東入兩浙以五堰為艱阻因 廣通壩者實與五堰相表裏所以障宣歙廣德金陵諸水 官司廢去五堰則諸水皆入于朔溪而滙于震澤 版榜如有漏洩水利淹沒蘇松田禾者壩官吏告斬夫 更愈同溧陽溧水兩縣民夫四十名守壩使宣歙諸水不 吳相伍以水為下流患引呆單鍔書上奏改築土壩設官 入震澤正統二年周文襄又為重修增高土石奉有 使之不入太湖也明永樂元年成祖遷都于燕京蘇州 此其重也今之議論三江 小小學 **輒從下流開濬** 欽 鄰

|鳥程長興之七十二||熡矣下流則又有無錫之二十 港 之身五堰為首荆溪為咽喉百濟為心震澤為腹旁通震 言及五堰廣通壩者是東坡所謂知其一不知其二也 间 吳縣之九港而銅坑胥口為之大吳江震澤之七十 獨山門吳塘門為之大長洲之六港而沙墩金市為之 太湖分洩者也今大半湮塞難于復舊而民之利其業 湖諸水於上流既有五堰又有宜興荆溪陽湖之百 而長橋為之大皆所以通經遞脈以殺其奔衝之勢而 又憚于疏濬以積其弊日復日深故郟直曰譬諸

積而不洩是狗枉其手縛其足寒其衆竅以水沃其口 繁財重以治田爲急若不量其遠近視其高下察其淺 之而不已必腹滿而氣絶矣 湖之水從何處來耶上古地廣人稀以治水為急今則 與夫水源之來歷而欲與水利亦難矣哉 開濬三江為首務然旣知太湖之水有去處而不知 |世言東南水利者輒引尚書三江旣入震澤底定| 不入于燕湖反東注震澤而長橋又阻之使太湖之 河則為脈絡泉竅而吳江為足今廢五 堰使宣歙

海是也枝河則用孔子之水利盡力溝洫是也 如花果樹百干枝雜皆附一 者不過百分中之一分其田多在腹內其利多在枝河譬 故治水者榦河既深而枝河亦自要緊凡民田落在官塘 既知三江之入海矣則三江諸水從何處來平日枝河也 旣 **榦而發若僅治榦河不治枝河徒貲財力無益也** 三江為榦河諸浦為枝河榦河則用孟子之水利濬河導 知太湖之來源矣則太湖諸水從何處去乎曰枝河也 枝河 一本而生開花結實者則從枝

論也 郟亶有言天下之利莫重于三吳三吳之利莫重于水田 並舉各治己田水遠路遙一 溶幹河時凡幹河諸水悉決諸枝河而後大工可就潛枝 議及善後經久之計每置枝河于不問輒曰且俟異日而 大凡潛治水利者往往于大工告成之後力疲心懈不復 河時凡枝河之水悉歸諸榦河而後小工易成此不易之 不知前功盡棄矣必使各枝河得利業戸照田論工先後 水利 時尚難周遍況漠然置之哉

以七郡 凌雲翼日東南水利稱人身之血脈也東南財賦猶 之脂膏也善養生者必使百節不滯而後肢體豐腴元 水旱之憂皆膏腴之地今以蘇松常鎮杭嘉湖太倉推 田水多則洩田水繇江以入海緒水洩水兩得其宜故 三吳地勢湖高于田田又高于江海水少則引湖水以 葢江南之田古為下下今為上上者何也有太湖之蓄洩 海之利便也故大江南北財賦所出全資乎水利 |地無有| 州之賦稅爲 一省之多而計其賦稅實當天下之半是 國家之根本也 鮮 溉

其源流 洩 |當拔其本塞其源況水之利尤當深採其本||而窮究其源 一疇不治田疇不治則五穀不登五穀不登而國用不足矣 田· 欲求水利先除水害葢水之害在泛溢此水年之所以! 田自稔故日善冶農田者必資乎水利善治水利者必遡 利也以治田之法治水則水利與以治水之法治田 足葢財賦俱出農田農田貪乎水利故水利不修則 而為田害也水之利在渟沁此早年之所資灌溉而 下事有利于民者則當厚其本深其源有害于民者則 一人以學 + 則 田

者 即 與其修治于已患不若預防于未來與其驟與行 引而導之入于江入于海俾無阻滯旱澇皆宜國計民 聖人盡力溝洫非止 **权杲日國家之視江南稻富室之視腴產不可使農** 賴于是國計者何賦稅是也民生者何力田是也 也 日不加勤恤也使患至而賑撫之一出 固惟濟枝河為要務築圩岸為急需究其本 不若施工于平日以成十倍之功 |為治田之計正欲就其順下之 入其費增

與海也如此則高低皆利而無水旱之憂矣 之害隄岸高厚則田自固而不至使水衝決勢必趨于江 得隄高泛溢無虞也故郟亶曰 東至于太倉常熟江陰武進凡一河 塘浦闊深而 陡岸高厚塘浦闊深則水通流而: 則枝河淤塞者由奸岸坍塌圩岸坍塌者由人力怠惰余 為開渠者土無堆積而即為打岸築隄者無從取 代錢氏不廢漢唐治水之法自今之嘉典松江沿海 以開渠一 |者相兼其功百倍蓋開得| (水學 取塘浦之土以為隄岸 浦皆有 河深灌溉自利 + 不能爲田 閘使蓄 土 使 而

卑 宛 塘諸流會于常熟下流則太湖北洩之水由無錫而東合 推 **洩以時早潦無患而田自利其時歲豐人樂每米一石錢** 麗 五十文范文正守三吳大興水利斗米十錢至南宋農政 道元日東南地卑萬流所奏而常熟之地在三吳尤爲 修水利不舉三吳之田日 以洩諸水旱則資潮 之興水利則如此不興水利則如彼 山鵞湖華蕩諸流亦會于常熟在漢唐時本有三十二 下何也上流則太湖東洩之水由吳江經郡城合元 汐以灌田勝則分諸浦以入海 漸隳壞則石米 貫矣以此 和

常豐熟而民力有餘故謂之常熟每年賦稅甲于三吳今 故也漕從何來乎江浙之賦為重也江浙之賦何憂平 前古有置閘之 則不然白茅七鴉諸浦己廢矣而獨畱福山港 亦淤塞僅通舟楫欲其常熟得乎此所謂知其末不知其 許光凝日開 國家修治黃河費無所惜修治運河費無所惜者為轉 矣 利之道不典也 //水學 江有一江之利濬 放閉有圍田之厲禁有濬川之舟楫有水 浦有一 浦之利考之 線之道

課之殿最所以為三吳之利者甚備濟旱如救焚防潦 反豐而致凶化沃以為瘠害莫甚焉 拯溺故曰欲享其利不得不除其害也 王政所重莫先民食而食出于農農資于水水得其用可 以東之害所謂知其利不知其害也又謂三江通則三吳 有大害也昔錢公輔守金陵常究五堰之利而不知五 三吳水利固在太湖三吳水患亦在太湖所謂有大利 (税凶而為豐化瘠以為沃利莫大馬水不得其用可以) 水害 如

多而高田少故水平則為利水溢則為害 **禾生于水溺之則死禾資于水養之則熟三吳之間低田** 奉檄追徵痛恨小民之逋負而不知逋負之所由大吏監 則去者復緩由是三江之水上不受湖流之衝而下有 使發源之水西出于蕪湖下疏三江以殺其勢而使諸 司但知謹守前規痛惜東南之凋弊而不知凋弊之所至 一水東入于滄海後世五堰旣開則來者愈迅湖隄旣障 人治水之道必觀其源溯其委上 (其利三江不通則三吳均受其害今地方縣令但 | 築五堰以節其流 古四 知

害也 害莫大 恐走漏商稅遂塞此江夫商稅利國無幾而凐塞湍流其 昔人論吳江東通靑龍江由靑龍入海之處因監司相視 或謂自海塘南障三江北折而太湖之尾間已失其勢矣 沙之湧其不為三吳之害者幾稀矣 **偍駕橋元時叉易以石雖畱堰洞以洩水勢而咽喉已塞** 或叉謂太湖洩水第一要處全在吳江之長橋自宋時築 **淤漸高使上流阻遏下流散緩而吳淞日壞者石隄之**

復其故道怨者必多未為民便也或曰與舉水利正 利 便民也譬諸惡人不懲治病者無醫藥恐歲月寢久 湖之淤塞浦之不通皆由于此一 而享安居之利旣而築土為墳植以松楸而享風水之 塞使水無所洩旱無所漑農民艱困賦稅無由爲三 乃挑築成田而享稼穑之利 人之利于湖也始則張捕魚蝦決破隄岸而取魚蝦 繼則遍放茭蘆以引沙土而享茭蘆之利旣而沙土漸 ?害當何如耶余則日方將興利以惠民何忍擾 水學 既而衣食豐足造為房屋 一旦治水而欲正本清 去 所以 日

沒矣枝河枝港半成茭蘆矣白茅劉河七浦皆為平陸矣 呼天而莫之應是誰之過歟今太湖百濱七十二漊皆湮 之淺深江之通塞無關緊要而 三吳之民但知氷旱之為害而不知人事之不修遂謂湖 而自藥矣 為屋為墳墓者可十坍其五六此不待懲而自治不待醫 、淞雖開水流不暢以浩渺無涯之水決他何處去耶嗚 害然單鍔有言上流峻急則下水泥沙自然嚙去今能 太湖之水通洩三江之口不淤則向之豪民占而爲田 一經水早事窮勢迫槍地

之至如去年之水田禾既湮沒矣民舍亦漂流矣而城。 載道民不聊生反勞 水之為利甚廣而害亦甚廣葢治之則為利不治則為害 呼早年則水無自蓄水年則水無自洩三吳水旱之憂恐 何由而出餓死者有之鬻兒女者有之迫而爲盗賊者 (加惠元元水之為害至于此耶故日治之則為利不治 坍塌墳墓之衝決桑麻之枯萎花豆之不登至于流離 此始矣 所謂害者害民田也民田一害則民食何由而生賦 ノトル 聖躬之籌畫不惜數十萬帑

宣今諸江入海之處岡身旣高而又有潮汐往來一 則為害 范文正公曰三吳水利修圍濬河置閘三者缺一不可余 以爲三江既濬建閘爲急何也葢水利之盈虛全在乎節 矣十年而 議閘者押也視水之盈縮所以押之以節宣也潮 兩至前 無淤澱湖無汎溢前人咸謂便利惟元至順中有廢 建閘 、謂兩湖積淤厚如 二丈矣故沿海通潮港浦歷代設官置 一錢則一年已厚 一日夜 開使

||或謂設閘之道有數善馬如平時潮來則局之以禦其泥 | 隄岸|| 一穿為斗門蓄洩啟閉法亦如之安有不便乎 沙潮去則開之以刷其淤積若歲早則閉而不啟以蓄其 沿江而西至于潤州 閉 之然後可圖永 有石閘以衛之旣開之後務通而不務塞再設撩淺以 海 閘以澄江潮去則開閘以洩水其潮汐不及之水又築 潮而內防旱潦也今惟于初開之時務深而不務闊 人治閘自嘉典松江而東至于海遵海而北至于揚子 // 水學 利 江 一浦大者閘小者堰所以外 十七

處若逢水災洶湧請牌開壩舉鍤如雲半日可通水洩復 前 古人治低田之法必先治塘浦 之規添疏導之卒庶幾乎可也 流以資灌漑歲澇則取而不閉以導其水以免停況且沿 **江設險私販難以度越因閘設官盗賊易于飲蹟嚴取閉** 不開以斷海口旣無退潮雷泥之患又省防鹽防盜之 人常議及潮汐易淤海口於治河時開至盡頭處畱 圍 田 一法也 即取塘浦之土以爲隄岸

范支正公常言江南圍田每方數里內有河渠外有門 三年淤塞如舊全功皆棄今徒陽運河可鑒也 地 耶 存心今門閘不可復矣而修築隄岸堰壩之 早則啟之潦則閉之旱潦不及為農之利故治水必先治 车 田 塘浦旣深則水流易暢隄岸旣高則低田不湮雖大水之 治田必先治岸葢水道為農田之命脈低田以閩岸 水流激淌無虞矣若但知治水而不知治田 不過積土于兩岸之側一 《水學 經霖雨蕩滌復入塘浦不 · 則所開 閘

||吝而一人為之阻隔以致因循誤事夫愚民豈知後日之 高田之浦港常通則無暵旱之虞低田之隄防常固則無 岸矣而無楊柳以植之茭蘆以衛之風雨之衝牛羊之踐 者十之七八畏旱者十之二三不築隄岸不可也既築隄 利益哉但厭目前之畚臿耳人心之不齊皆以此也 塞或因 水潦之患夫人而知之矣其所以不力者亦有故焉或因 三失之田最低下衆水所歸為民利亦為民害大約畏澇 田主但知收租而不修隄岸或因佃戸利于易田而致 一圩雖完全而同圩有貧富之不等有公私之 相

地 老農有云種田先做岸種地先做溝蓋高鄉不稔無溝 之三年之後草木根深隄岸堅固矣 也 一內以圍田外以圍水也 約 畝必 築隄岸亦有法馬必今年築若干高取葭菼以蔽之 低鄉不稔無岸故也是池塘為高鄉之急務大約有 及數年又復如故 增若干高插水楊以護之後年增若干高取籥泥以 有田百畝必築三尺之圩以洩水而防潦夫圩者 一人水 學 而欲田之稔歲之豐豈可得乎 九 故

隆位位相 用 則 固 以築之或箭河底之泥以益之如最低之田無從 之田皆熟矣 兼築其外 轉進使王 在田中開一塘挑泥增岸葢農人每以糞壞為肥禾 有霖涂不足畏也或于田旁近地取其圩塞河道 每歲農隊令民各出其力以治圩岸圩岸高則 ---接以防水旱以禦風濤水漲則專增其裏 遇早年則車 純臣常建議請蘇湖常秀卑下之田修作 4. 仍 取田土以實之並無妨于田 水以入遇水年則戽 也 取 田 涸

溶池

昔 宣洩以防霖潦者皆所以治田者也葢高田去河遼遠 浜或雨水霖潦亦無妨于田土 水可溉者則必有陂塘池堰土人謂之藏浜所以蘇水也 人心皇皇則滴水如珠全藉接濟使轉凶而爲豐者 又謂之上浜言高于通河也其年雨暘時若則無資于 八治高田之法凡陂塘池堰可以潴蓄以備暵早可以 遇乾旱之年苗禾立 槁

/ 水學

二吳之田雖有荒熟貴賤之不同大都低鄉病撈高鄉

之力也

Ŧ

今高區皆有陂有塘有池有堰而民不知脊深以蓄 以為池則九畝可以資灌溉常豐稔矣民非不知此也葢 哉故梁寅鑿池論曰嘗觀畝畝之間有田十畝而廢 早然自古言水利者往往詳于治水而略于治早益 以膏腴之壤人人所惜孰能以一畝之田爲九畝之利乎 遇亢旱東手無策坐看苗槁有哭于野者有歎于路者有 田圩不修水固不能自避高鄉地塘不潜水亦安能逆 四方者惜小費而失大利亦思矣哉 **濬為利無窮早年蓄水以資灌溉水年藏水以** 永 低 畝

业 兼為飲食之利今常鎮各州縣大半高區農民不但不濬 泥 之時失地之利罪莫大馬無怪乎低田常熟而高田常荒 而反皆填塞或築為道路或廓其田疇有誰禁之哉棄天 王叔杲日水利有專官至急之務也以田疇之廣衍民力 之勤惰不可無專官以督率之也夫州縣之長旣苦于政 不虞深者養魚為利淺者種荷為利其地瘠者每年以 取污即為肥田之利其與通河較遠者每日汲水浣紗 專官 一大學

|務之繁而遑計其農政之瑣身坐堂皇目周四境雖神禹 治三吳之水有六策馬一日開洩水之川二日浚容水之 官以協理之則訟自鮮水自治利自盆而民自安矣 邀遠民有善惡事有輕重追無冤抑豈無控訴者使有專 勤儉時當農除則督民以疏濬不特此也窮鄉僻壤去城 深闊料灘岸之遠近為夫役之多寡時當農忙則勉民以 問農民之疾苦察田蕩之利弊量河渠之大小定土方之 不能也若非有專官之治帶同丞貳巡行阡陌浮泛江 湖三日殺上流之勢四日決下流之壑五日挑潮漲之沙 湖

|或日小民力日為生固所自盡添設專官徒以增擾或又 一張內蕴日治水者天下之大事也而足國裕民天下之大 六日立治田之規而又請專官以督之庶幾乎可也若以 以百人之負而責荷于一人勢有所不能也 事也如低鄉畏潦則急于築岸高鄉畏早則急于濬池某 功也任天下之大事以成天下之大功非有天下之大智 日今各府州縣未嘗不設水利之官而卒未見有稗于農 秉匡時之大忠者其熟能與于此 三吳之利而責于三吳之民既諸一國之事責辦于一 二水學

處病于淤塞某處應增泥土至近湖之濱灘漲不一 吳韶日今府州縣水利官皆四海九州之人縣官臨蒞莫 速為開除糧稅俾小民免虛賠之界漲則速為照丈陞 之要雖在于得人而修舉之宜惟先于足用人不得所訟 俾好豪銷專利之謀今官水利者有知之乎 知 于近衛之官軍則土著之人功緒易施而水易治 湖浦之通塞不分五穀之貴賤者比比是也不若分線 水土之性種植之宜不數年間即陞調去有秩滿而不 桓日專官非難得人為難修舉非難經費為難益專官 一坍則

即得人 規官帑出納之要經營度量之法催督考驗之術了然胸 勢通塞之便疏瀹決排之方大小緩急之序夫田力役 辦備預不處策之上者此言是也然余以為譬如治病 或議治水之道當以豐穰之年爲始俾人民樂輸工 也 八尚有無力就醫而聽之呻唫者豈有病未至而先服 具官也用不足所議皆空談也故治水之道得人 能任以大事非僅精明强幹清廉自持者所能施功 八矣亦需通達古今熟識時務凡地形高下之宜 1、水 学 料

海忠介治河布袍緩帶冒兩衝風往來於荒村野水之間 其情非咨詢不窮其致是以必得躬歷山川親勞胼胝昔 孟地有高低流有緩急豬有淺深勢有曲直非相度不 最 者乎病既至矣初則擇醫甚難繼則服藥無效或調理 是而後事可舉也如好逸而惡勞計利而忘義遠嫌而 不得其宜反至增重吾見病未去而人已憊矣故日得 水之法既不可執 難 錢糧不扣 釐而隨官人役亦未嘗橫索一 **泥于掌故亦不可妄意輕信**

視則不及十年又復廢弛故專官尤爲所急 怨則事不舉而水利不與矣 金藻日治三吳之水有六事爲日採本源 築應復舊應新開非專官而能之乎 緩其衝應溶某河以會其流某處塌閘宜修某處塘堰 領也循次序也均財力也勤省視也五者 1 欲水患消除必專任大臣而輔之以所屬責成于守 滙某處係不流支港應分某水以殺其勢應渦某 催辦于糧里不宜他官分督而有失厚利某處係 水學 1既行而

罰同也 視矣而無賞罰與不省視同既賞罰矣而不能繼與不賞 之佐也如能行之而水利不興農田不熟者吾未之信也 視責在邑今一府之省視責在太守提七郡之綱領而以 水功分數為殿最者大臣也參贊于上綱紀乎下者大臣 所謂勤省視者官廉能矣或惰于省視與無廉能同旣省 東南水利寫 圖之省視責在里長 協濟 國家至切至急至重之務工繁費鉅而必 區之省視責在縣丞一 一縣之省

協 資帑藏以行之非下民之所能辨然為民者亦當思所以 費足則工舉工舉而水利與馬 以空文催督彼亦以空文謾應雖有興修之虛名終鮮典 動支衙門之閒欵或量罰有罪之豪右或激勸仗義之巨 庫無盈餘似以濬築為緩事然水利為民生之本郷閭之 修之實效故設處錢糧為第一著 小民難于慮始可與樂成如官帑先行則協濟自至若徒 室或舉賢才或起廢員或收投效計工籌費相為表裏葢 濟 國家之要務而後可以告厥成功如帑藏之外或 くく見

|處居民凡江南江北有通海道藉以運鹽者其施工又在 處有通河支港及蓄水園圩可資農田者其施工 其施工則在本城富家舖戸凡府州縣地方與官河稍遠 施工自在有司凡府州縣城內外濠河浜港可通舟楫者 休戚賴焉 鹽商矣此協濟之一法也 省漕運是以設官分職從事准黃惟河身日高河岸日加 國家承平將二百年生齒日繁太倉無三年之蓄所藉七 凡運河官瀆通江大湖以及閘壩陂堰蓄洩利民者其 國賦之盈縮系馬協濟之功尤不容已 力 乌 过 一則在近

海 設有衝決運鄉阻塞此最危之事往者封疆大吏嘗議 富者每年載豆往來若履平地常時放空北去而必以泥 乍浦各口有善走關東山東海船五千餘隻每船可載 回 土磚石以壓之及裝豆回南亦無貨不帶 二千石不等其船戸俱土著之人身家殷實有數十萬之 敢保漕以無事即運官運丁水手人等生平未嘗出 運 四五次者是海船去空而回重較運 能挺而走險以濟事耶此斷斷不能行也今查上 事卒不果行何也 水學 朝廷不忍使民以蹈海有 船去重而回空 年之中有往

又省 北去之時試行有效遞年增加送往天津交卸以江浙江 協濟之一法也 乘便不勞人力而所費無多旣省 銜 許出運如果踴躍從事運載功多則賞之以幣帛加之以 西湖廣全漕受載牽算每船運以千石處之豫如也其法 相反心盍請有司上 只求地方官先選殷實船戸花名注冊取其連鐶保結 名船戸無不樂從者況近年海道清平百無一失因風 州縣陋規幫費之煩自此太倉日積 奏先以减 存造之糧乘其放空 朝廷治河治漕之 國課口盈亦

水陸官兵原所以衛民者也每年坐食銀糧以億萬計 謹查康熙十七年戊午有 业 相傳宋時修治東南水利輒下空名度牒二 派在城在鄉以佐開濬之用古人有寓兵于農者今則寓 銀 兵于治水亦協濟之一法也 郎將仕郎等官告身或仿其法而行之亦協濟之一 額仍照舊辦理其法良善蓋秀才無額不礙仕途 百兩准子入泮一 / 水學 歲後不爲例其歲科兩試之 **肯令該各直省童生每名捐** 一千道給與承 土 法

愛廣其田者今三吳之間不下數十萬頃其利倍于常田 之謂也葢高田無變更而湖田有坍漲亦有挑土塞河 隨處捐納 雖有陞科不及其半以姑息之小恩忘浩梅之大利茍能 開倖進多造人才四也亦協濟之一法也 濟之一法也 裶定字圩挨邱編號通行量丈照數徵收其賦必倍亦協 水利之興莫急于財力而財力亦出于民間非照田科派 約仕宦富豪所得者十之七八平民所得者十之二三 國格豐盈二也所取甚廉不傷百姓三也不

有說馬一 棄地糧 或以官逋爲累或以水道不通或以古墓相連或以瓦礫 積荒田土在在有之江南 其地寫遠難于照應而不墾 種茲欲區處農民必其開墾而成熟之事亦難矣然 而治時時省察就近招來輕其租賦勸其開墾勉其勤 不墾是以荒瘠之地日多而懶惰之民日積使膏腴 稅為積逋所以府庫日 以賦負民逃而不墾 水學 有 四郡 虧而農民日困也惟有 以小民窮困舍本逐末 以糧重租多而不墾 州惟常鎮兩府為尤 亦協濟之士 丟

者種菱次一二尺者種芰荷水不成尺者則種茭白芙菇 |麥蔬菜而已其有水者則棄之何也余以爲水深三四 嘉湖三府桑麻遍野菱芡縱橫有棄地如蘇松常鎭四府 夢齊芹菜之屬人能加之以勤儉雖陂湖亦田也試看杭 枢。 者乎如此則民不偷惰而賦常足民不告勞而食不匱 俗語云百年田地轉三家言百年之內與廢無常必有 三吳圩田亦在在皆有農民習懶性成惟知種苗禾種豆 亦協濟之一法也

房屋或此開彼塞或東漲西坍至于田疇交錯鱗冊無徵 年之間已易數主葢賦有舊額田無一 有有田無糧者有有糧無田者不知凡幾故小民交怨訟 段 無損即以治田之利為治水之利不必一 其田至于三家也今則不然農民日情而田地日荒 地抵其不足而均其有餘計畝均收似與小民有益而 頻仍富者益富貧者益貧必得官為量丈重畫圖冊 準而田自多田旣多而賦自盈然後除其坍角荒瘠 分無待加派於窮民孔子 水學 日因民之所利而利之擇可 定或築墳墓或造 仰資乎公帑 芜 田

|之時設地之利皇皇曉諭奮激必多奮激多而水利與水 一勞而勞之又誰怨乎倘能職之以專官輔之以協濟因天 朝廷億萬年富庶之基也 利與而田自治則豈特活東南數百萬生靈之命抑亦培

教荒附 覆 割 叢 話 一人 卷 四 以豐年為始思忠豫防其法公舉里中長者一 田之家凡有糧田若干捐米若干舖戸典押則捐錢文如 公督私藏之法可以行之一里一鄉 者開明數目立 里中有田干畝舖戸數家則有米十餘石錢數千聽里 自為藏積如歲豐 公督私藏法 簿存於公家其所捐之錢米仍聽 人樂並不支動 救洗 勾吳 錢 泳 鎮無不善者然必 粒支用 梅溪 人遍告 錢 輯

富戸男男女女扶老攜幼轟然而來驅之不去則里長者 能濟鄰近之困貧又能杜流民之擾累而家無所耗處之 欣喜感激不頃刻而他往矣在此一 之或有他縣饑民流入境內者一集村莊不能不仰望於 晏然真積德行善弭盗安民之第一法也謹陳條例如 死不能葬者則請里長者查明將簿上所捐錢米酌量濟 水旱凶荒之年凡里中有寒不能衣饑不能食病不能 一倘有流民百人不過分數斗之粟數百之錢可以令其 地保等與流民通語每人給米幾合錢幾文幼孩者半 一鄉一里一鎮之家旣

履園叢話 地保到有田之家查明糧田自田租田分為三 者捐錢五百文典當小押有本一千兩以上者捐錢五 租田一畝約捐米五合其所捐多寡不同各隨其田地 千文以此類推如能多捐聽其自便 畝約捐米 舖戸典當本錢多少不一約舖戸有本一百兩以上 肥瘠力量之大小不必拘於一格也 小戸人家種田不滿十畝開舖了 公舉之人不過稍通文理而略能識字者一二人同 卷四-一升自種自糧田一 救荒 一畝約捐米 等糧 升五

若 必過强其捐如能慨然上捐亦不可沒其美意 脇 簿令本人自來給領以杜存私虛報 有田有舖之家既經起捐登簿簿上須注明總結 時短少呼應不靈 干石總結錢若干干其總簿存於公家收存 即視同公家之物似宜另貯一處不可妄取己用致 公捐錢米仍係各家自藏並不交於他人然旣己捐 里中極次貧民惟本處人知之最悉須預先查明注 貧民有缺少棉衣入典當者即取其典票贖回給發

或其鄉富戸捐多則請益之各隨其便 論亦不可太多太多則恐難繼也 約三四百文為率新者恐其當去 百文以爲買藥之費十日一領 病者醫藥勢難遍及查明實在有病每一病者約給 貧民每日每人約給米六合錢十二文幼孩者半之 捐施諸貧人必要斟酌盡善方能行之不可執一 死者雄棺一時未能猝辦需預為做就以待不虞 八有實在寒冷無衣者則買舊棉衣一件與之其價 救荒

强之輩抢擊偷盜者許本人指名報官從重治罪 **周濟自當感激不遑不可再生覷飢或有結通外來豪** 者則里長邀同地保將流民為頭强橫之人送官究治 量分出米若干錢若干謝之以作勞神之費 五合錢六文勁孩者半之如流民不遵理法强索硬討 里長地保諸人亦有貧富不等年終當在公簿內酌 公捐錢米分派貧民倘或不絕則里長再向各家續 里中所有饑寒疾病之人既蒙有田有舖之家公捐 有他縣流民來集村莊索錢索米者每口定以給米

以博 此項作迎神賽會燈棚煙火演戲敬神說書彈唱諸事 獨不可將此項用盡則一 毋須取用則將此項動支辦理地方上至公至要之事 如河道橋梁渡船道路、绿旅藥施衣茶亭之類俱可 家仍收為已用可也 捐販給以下年麥熟為止或所捐錢米尚有盈餘則 而起尤為貧家畱客之累及地方之害也 公捐錢米倘其郷富戸衆多而年歲屢豐各家堆積 日之歡則俾晝作夜婦女雜窓聚賭窩賊由是 救荒 一遇荒年難爲繼也亦不可以

為歲荒人困謹呈管見叩恩給示各鄉令民遵辦事竊 洶以搶擊為能豪强者得米而炊儒弱者忍饑而臥今 某居郷並不多事本年五六月丙兩澤愆期河水乾 若富家一吝貧人怨生便不可問慎之慎之 冬明春尤為可慮某目擊心傷不忍坐視今有公督 **遂至不能插種現當青黃不接之時各鄉各鎮人情洶** 藏之法可令每鄉每鎮有田有舖之家各捐錢米注明 稟帖稿 此舉專為富家而設必當踴躍從事切莫視為虛文 附 涸沒

嘉慶甲戌歲江南北大旱赤地干里時督撫大吏命各州 夏副虔舌 德行善實可弭益安民伏乞憲慈俯准及早設弛實為 來給領或流民乞食亦可依此而推仰體老父臺大 田有舖之戸並無傷耗而里巷貧民均沾實惠豈但積 德便上稟 愛民如子之心出示境內被災各處將此法行之在有 次貧民開單注簿即將所捐錢米分出周濟令貧民 **公簿仍聽各家自為滅積責令里長地保查看本鄉** 圖賑法 **/** ** 51 牧荒 1


當以此為法 公徵信錄中兹特再錄一通無論水荒旱荒勸捐放賑者 縣勸捐賑恤而無錫金匱兩邑侯韓公履寵齊公彦槐 高四千餘器活人無算其圖賑之法前人未有已載 嘉慶十有九年江南大旱金匱分無錫地地勢視無 為高被災九別八九月間槐管以事赴鄉竊見赤地 **鄒勘災順便勸捐無錫計捐十三萬餘緡金匱計捐** 山山 山山 山山 平倉穀平糶於民便矣然遠在數十里之外者不能 里民間炊無米爨無薪汲無水惻然憂之夫官發 スリ

欲推廣 之資者不能糴也故民平糶但能惠次貧不能惠極貧 幸足於衣食目擊鄰里鄉黨之人饑且寒以死孰不欲 富之家以其餘米平糶於其鄉遠近咸便矣然無升斗 接濟乃救荒之大者夫惻隱之心人皆有之殷富之家 賑災也於例但及有業之貧民而不及無業之貧民故 天恩浩蕩極次貧戸悉子之賑而靡不徧德矣然賑者 升斗之米來也故官平糶但能惠近民不能惠遠民殷 解衣衣之推食食之者顧上勸捐而下或不應何也則 皇仁不使一物不獲共所惟邑之殷富捐貲 女上几

履園叢話 也向之捐者大抵設立公局令一邑之錢悉入局中彼 經理之不得其道不能使人無所疑惑無所瞻顧也且 無賴者猶不免於我乎擾也而各不捐者送妄生議 般富者以為吾既捐矣不知是錢也官將發之於何人 捐者少而不願者多今也定為尚賑之法以各旨所 耳其目所不及見耳所不及聞者固非情之所甚迫者 日是特以飽官之囊囊供董事者之侵漁而已以故願 情之所甚不忍而急欲救之者亦第於其親者近者 鄉董事者將散之於誰氏之里而我鄉我里之貧乏 卷四 まき

履園叢話 財之所由往食者知其食之所自來則捐者無所疑而 家而不必入於公局官與公局之董事者第紀其數為 不勞也是說也機嘗謀之郷先生言之上游皆以為 不足令尚自舉一人焉以經理之其錢即存於捐者之 不捐者無可藉口且以富稽貧其戸口必清以貧核富 2調撥而已某啚饑卩若干數捐若干數協濟若干數 一錢各賬本啚尚有貧富以富啚之有餘協濟貧旨之 .捐數必實於,鄭貧之中寓保富之意則事易集而官 一榜於其圖內使貧富見之曉然明白施者知其

為成書用垂示人而歸美於 槐嗟乎槐何功槐旣不能 南北二橋之費亦以工代賑也邑之人樂其事之集刊 善政及民使歲不饑叉不能使民儉且勤皆有葢藏 餘於是復謀之鄉先生言之上游以所餘錢畱爲修建 若哉賑旣畢尙有餘錢六千餘緡而無錫之賑亦有錢 賬城鄉設厰十餘處計所捐叉不下萬數千緡饑民賴 以全活者無算嗚呼孰謂人心之淳風俗之厚今不古 四千餘緡矣而殷富之家好行其德復於其間爲粥以 自十月初旬捐廉以倡至今歲三月計捐錢十有二



景賢 譜慎終追遠務本為急兩弟早世撫其孤至成立從弟允 父 華景輝字曙生吾邑之南塘人裔出南齊孝子寶後祖楷 研 為邑諸生無子亦雄于資允斌死有遺腹子而族中 禮卿俱以資雄於鄉年十七從吳門楊忠文公廷樞遊 心泣血喪葬盡禮事母以孝聞常建祖祠置墓田修宗 窮性命之學明鼎革時禮卿為遊騎切掠驚悸死景輝 郷賢 錢派 梅溪 輯 洶

之本故自家而族而郷而親莫不德之者順治元年忠文 公被難景輝奔赴慟哭哭止而起賀其子无咎曰吾夫子 洶 賑濟遇豐年則必出所餘以周貧困而尤以孝弟爲行仁 |徳文章負海內重望今又就義成仁若此干載而後莫 |各慰其欲以去屢遇歲荒米穀騰貴必滅價平糶捐 貧乏失怙恃及婚嫁喪葬者景輝必力為經紀委曲 乃為文祭弟而盡以家產還之几母黨親屬鄰里故舊 知有維斗先生矣士論偉之後遜跡蠡濱閉關獨處 利其家產者甚眾景輝為掌護之歷二十年旣授室景

書萬卷晨夕嘯歌尤精研經義雖盛暑祁寒必衣冠點 吾邑有老儒鮑震西者事母孝二子亦孝謹而仲子尤篤 **弟篤孝上帝已命爲准陽侯期在三月弗能久矣伯子寤** 年八十卒里中學者私證為端肅先生云 識其語不使父及弟知震西有弟館于淮安者忽返家人 至老無惓容所著有存心養性編三卷家訓必遵錄 到任矣問淮陽侯爲誰日汝仲姪也吾恐姪病故急返 一病甚劇伯子禱于城隍廟夜宿廟中夢神謂日 三菩夢淮南郭門有多人掃除行道問之云淮陽侯

家塾引掖後進師範諸生言規行矩至數十百人皆拾青 紫以去年七十七卒 營牧代白無軍事得写管置墓田廣洞宇臨事果決鄉黨 始補博士弟子員為文雄放有先輩風而困於場屋乃設 稱之卒年七十九子琦字景韓少聰顏好讀書年三十餘 鮑家云康熙中事 扑世棟聆無愠色惟引咎順受而已從弟世楨被誣力為 耳仲子果於三月卒卒之夜里中人皆言有儀仗燈綵 世棟字爾任南塘人生母黃早卒事後母秦或無過鞭 八里尔图

守節并為之請 學而孝謹聞於鄉里嘗以古事預擬成敗學者服其智識 有弟已嗣出矣而仍將父產兩析之族人有以居屋售於 受卒年七十六 **剉然焚其劵仍令安居而不貢其值後復念其兩寡勵** 世楨者將遷矣其家有兩寡婦哭甚哀不肯去世楨爲之 節年九十餘世植每食必躬親視膳先意承數不少解 一榮祖字霽雲磚橋人狀貌奇偉博學能交不為章句之 **兀臣世棟從弟年十四喪父哀毀如成人母郭** /景賢 旌年七十餘公舉世楨為鄉飲賓辭不

眉目詩文力追漢魏而尤敦于本行每以孝友齦齦為後 張元義字心才邑諸生苦心力學友愛天至與其色,東美 有古交評家訓十則 耕隱集八卷 生家言鄉里多化之咸以為彥方復見云卒年八十七著 王之芳字伯聖邑諸生嚴毅方正學博識精膠庠中推為 同居五十餘年無間言家甚貧以館穀爲生伯甞少于仲 林梅孟皋輩對酒賦詩以為樂也年八十八而卒著有 朝順治初天下初定榮祖當自躬耕與二三知已如吳

億塊于歸時父嘗戒日張氏家庭最雍睦同居已三世矣 若汝去而析居是汝之故也言畢而泣一翁笑日有此賢 分爨也仲媳惲氏聞之卽出見二翁發袖日家不可析也 而來磚橋人少貧未讀書而持身恭儉孝友性成有弟 受杖諸弟號泣願代令日爾何人也諸弟對日身受胞 來出已財償之終身如是毫無怨色雨來嘗以 吾無憂矣乃同爨終身 、俱幼雨來能開拓田園給與諸弟諸弟有逋負人者 乃言日余兄弟垂老同居安能保子姪之人合乎盍 /景賢

兄覆育之恩故願代心令乃嘆日爾等手足之情如此其 以之買田得屋近且為小富翁有田數百畝矣史記准陰 **楸漸長松下時出鮮菌郷人謂之松花苗日出不窮毎朝** 吾鄉有蔡翁者板村人家甚貧為人傭工家中僅種田一 一畝以此為食父母死後盡築為募負土成封植以松楸 |編籬以衞之見者莫不竊笑其貧如故也隔||三年松 魁字裕臣亦以孝稱 人可知矣命免杖一 一一筐入市上賣得數百文如是者十餘年積資千金 一時噴噴人口雨來年七十餘卒子

_			 		
/ 且识 以耳				葬然乃行營高敬地令世	兵傳贊謂韓信雖為布士
E.				共旁可置萬家亦此意也	係傳費謂韓信雖為布衣時其志與衆異其母死貧無
					無以

郷賢二

滿壁甲申之變呼天大慟日我雖微秋豈可偷生乎遂縊 饉載道願傾囊賑濟賴活甚多家竟中落僅存一 **成瘋疾跛左足不能起或歌或哭鬆髮皆截終日慟號間** 於庭家人救之公屬聲日汝輩欲汚我即又赴水不死遂 明崇稹間世路日非乞歸力行義舉十四年蘇州大疫饞 日而食順治三年十二月二十四日嘔血數升連呼皇帝 郑事或薦補邑宰大任因辭曰我才豈能為百里長耶當 顧大任字示肩號价仔長洲庠生官廣東按察司司獄陛 | 一日に、文章 屋青苔

臣來也而沒年六十一子預字君嚴由鄉薦官學博甲申 養其母甲申之變縊于庭不死旋至西跨塘旭酮中自 里韓馨鄭敷教結社闡學丙戌父喪哀毀成疾築廬於墓 死此二人殉節錄失載故補之 梅花繶室自矢凊操以終其身 後閉|戸不|言數日| 毛爾張字宅卿長洲庠生忠愍公維張弟兄宦在都公孝 **長洲蔣宇均字理平父廷宣名輝由庠生官貴州巡檢借** 里縣典史民心頗治緣事呈誤論戌新殭字均萬甲 起南都再建阮大铖屢聘屢卻與同

者屢矣從姪大鎔做黃向堅萬里緣傳奇製曲播其事字 為時菴少司馬姪芝庭大司馬外孫自幼見賞于二公謂 均聞之怒日天下豈有無父之人哉為拉雜推燒之字均 月又同蘇葬母葬畢仍往戌所居半載父遇 奉囘南前後五六載中四次跋涉繭足黧面備嘗艱馂涂 子身囘蘇侍疾母歿宁喪甫踰百日又至戌所省父居敷 一懸崖絕壑豺虎鰠等水火盜賊之虞無所不歷瀕於死 隨寸步 **3不離同抵戍肵未幾得家信知毋彭氏患病卽** ₹景賢 恩赦乃母

應死但願一見父死無恨矣有頃風止升竟無恙抵懷慶 矣遽束裝出門舟經黃河顧視東南雲氣昏黑未幾風雨 理夢神人語之日爾子當來比士選至父驚喜病少愈遂 大作鄰舟覆者無算舟人相顧失色士選竊禱曰某數固 二千里榮榮無倚有子不得侍何以立天地間見今日行 人呼為孝子舟先是其父病逆旅人家問不通自度無生 言其狀士選時年十二間之瞿然驚起向毋日父病危隔)利屢竭其貨鬱而成疾欲歸不得父之容徐生者來蘇 工選字有貞吳縣人父公瑞業賈走中州營什

奉父歸方公瑞業賈時家已申落至是益窘逾二 必有重賞及救至船詰之則楊姓也而身無一 唐氏值歲荒米價騰貴土選與其妻忍餓惟麏糠粃問屑 謂厚賞也是夜月明泊舟湖濱得白金一定始信神言之 夢神呼日明日楊孝子有厄吾從中保護煩爾一手之力 豆食之而於父母曲盡甘旨父病思食枇杷時移居下堡 村僻不可得下堡近洞庭東山因渡太湖寬之中流遇 **爽楊妻唐氏庠生姜震女亦有孝行姑病疽醫言不治** 衝數同舟數人皆溺獨士選以漁船救免漁人前夕 / 星,段 錢不解所 風

書注解山居開集爲世傳誦韓繤廬宗伯未遇時嘗袖文 人尙欽品題天下士耶 詠以此自終尤精岐黃術著有醫宗說約八卷望色啟微 氏含泣吮之出毒血數椀而愈而已亦病疽者三載不令 求正君輔日子異日名臣也屬其加墨不可曰我爲世外 元允前明諸生鼎革後鍵戸著述不復省人間事所著四 長洲蔣示吉名仲芳居婁門編竹為屋環以疎籬與至吟 姑知後遇村嫗授之藥疽以痊李客山作傳紀其事 三卷詩文十卷卒於康熙癸巳年九十其父君輔先生名

即廬居墓側每 **燄負毋出復冒火搶先世栗主鬚髮盡焦死而復甦火焚** 後母居堂兄家晨夕省母往來十餘里一 不入內鄰里罕見其面家中偶失火適祭祖塋歸遂冒烈 源怒逐之日天下豈有無父母之人哉僕感泣而去乾 **祠呼籲願以身代歸而迷其路遇鄰嫗攜歸父歿三年 沼舉孝廉方正當事者將**以 股人教之終身不今母知葬父母親自穿蠶 長洲諸生事親至孝年十二 哭烏鳥俱下家有一 一僕母病欲歸未決 一夕衝雨過橋失 二母病夜半走 間逢源

宁節常至絕糧有碩鼠投錢之異咸稱苦節所感培源天 **姿顏悟切志於學因父遠慕不歸業市以養事祖母恪代** 子職飲食起臥必躬自扶持未敢稍怠及壽終哀毀成禮 食館於庠亦有孝行鄉黨稱為蔣氏三孝子云 尋父歸僦居用直旬日必往一省自攜時物欣然餉之遇 顧培源字立忠號笠舫元和人祖鼎榮早卒祖母繆甘貧 績溪教諭報至適父諱日大哭不赴任仲兄文河以五經 其實而有其名吾不願也其伯兄學海以五經領鄉薦選 不可大哭日周官不孝之刑猶恐蹈之安敢邀曠典乎無

毁容过血絕而復蘇者四父上之雖聽命日必數慟終年 生毋陳患疽親唲其瘡病目亦舐其目並得蹇如故及卒 餘年必恭敬止晚年家漸饒裕擴宅構園以娛泉石倡修 **故撫共女厚嫁之||一兄遠幕依表兄申贊皇署養嫂||十** 祭祀至老猶孺子拉與兄同炊三十餘年如一日二嫂早 沒居喪形枯骨立塵墓三年種松芨草常致悲號逢諱日 不復見齒孝養其父十有三年雖處寒微必極奉甘旨父 風雨匍匐數十里不願也迨父病數月不解帶幾蝨滿身 1/ 显示 賢

生孝質莫可枚舉至今間里猶有傳述者 持甘肓之事母亭期頤金墉亦耆盡資作老萊之戲其平 毛金墉字韓望齊門內華陽橋人性至孝事母唐極盡扶 郡志尚未採入 屬他人亦無難色也嘉慶十八年九月卒年八十近重修 九凡有所求必須棗以助之及老力行善舉家道旋落完


錢民字子辰嘉定人年十三而亦宗奇食不得已廢書字 其中學日盆進時陸稼書先生知嘉定縣民謁之議論多 **謁是夜叉夢有告者日汝能謝絕漢以來諸儒論說乃可** 慨然有希聖之志聞靑浦有孔子衣冠墓擇日齋戒擬往 不合人怪而詢之則日陸公從朱文公入某從孔子入耳 為學也自是始讀一个經正文題所居之室日存養壓端坐 **晉夢人教以名民覺而思之日聖人與民亦類也遂易名** 人之乃嘆日世多妄人求其不妄者聖賢而已初名樞 嘉定錢氏兩先生傳 ||一百八字

嘗與友人書謂先聖之學貴乎本末兼盡始終有序大學 其誤在於無本六經為我註腳其誤在于無未論語日君 中庸所謂尊德性先也本也道問學後也末也卽物窮理 但學其末是所謂其本飢矣本亂而求未之治豈可得乎 子務本本立而道生文公以為學者不可厭末求本教人 所謂知本者知所作聖之基也誠正者為其作聖之功也 人亦有所不知焉文公教初學者即責以知旣盡而後意 叩誠語類叉云格物者鸵事事物物之理致知者知事事 ·未合于·大學也孟子日堯舜之夘不徧物中庸日雖

必盡格天下之物叉云存心一草木器用之間如此而挚 理須著逐件與他理會過愚意無極太極是天人合一之 學學至有成亦可自得初學者學之雖非先務無傷也首 有得如炊沙而欲其成飯也交公則日上而無極下而 **一亦恐知不獨物児初學乎此未合于孟子也程子日不** 事不窮卽閼了一事道理一 | 蟲事物之衆人無百歲壽算何能一)理如此則意之感亂殊甚又何可誠且使堯舜復 一昆蟲之微亦各有理一書未讀卽閱了 一是資 物不格即踢了 物道 一書道

錢王炳字青文嘉定縣學生少博學經籍事父母以孝聞 在朱陸當日雖有不同亦不至相關如明儒之甚也學聖 **稼書先生甞作錢子辰字說以勉之** 陸之所以異非聖學本務去道甚遠所以近世學文公者 為治天下不可耕且為文公亦以為大臣不當親細務奈 於程子也又言今之學者不知追求孔孟之實而只辨朱 而相關是務故聖學日亡也其議論類如此民後以貧死 何志在學聖而反務盡一草一木一昆蟲之微哉此未合 一得念庵之學而已矣學象山者止得陽明之學而已矣

其兄早歿撫其孤成立幼從太倉李景初課誦李歿無子 迎其妻黃氏敬養三十餘年及其歿也為制喪服葬而除 惟不喜二氏之學嘗云仙言長生佛言不滅二者皆未可 吾儒之長生不滅也乾隆二十三年有司舉鄉飲禮延爲 孔子言疾沒世而名不稱立德立功立言吾儒之不朽卽 信夫神依形以立未有形去而神存者今二氏之徒逼天 之外旁及天文地學以及卜筮滁命之書亦無不窮究也 之嘗謂讀書必先識字於四聲清濁辨別無少譌溷經史 下卒無一人能見古仙古佛者則長生非生不滅乃滅也 ||/景質



李君名堡號石濤元和人少讀書刻厲爲學中乾隆三 就食者以數萬計度不能貲日夜焦心查有前任詳請修 署之官帑得千金遂詳報上官以工代賬自此城郭儒學 六年辛卯科二甲進士四十五年選接陝西曾苹縣知縣 衙署俱燦然 小山至靖遠界所經村落則有打喇赤劉家井狼山黑虎 |到任之明年適處歉視民疾苦乃捐亷賬飢男婦老幼 百里接平涼府鹽茶廳之小山正北為靖遠縣境其白 書會單令李君守城事 11.21 新爲士民所悅會眾為關中衝要其東北 4

|逆回田五倡亂初在平凉府鹽茶廳之小山中結衆起事 |城驛金壇坪乾溝皆會單境內地也縣西南接通渭縣之 |全黄家均等處皆隸縣之北境西北二||百里外則有鐵木 李公侍堯按察使陳公步瀛固原提督剛公塔聞之咸統 岡 南為通渭隴西伏羌三縣東南為通渭之石峯堡直接 牛營堡正西則接安定縣之西鞏驛距會崒城六十里正 不過三百餘人先焚西安州土堡肆行劫掠時陝甘總督 「山以西爲安定縣之馬家堡官川里山以東爲黑莊郭 川皆與會眾接壤僻路也四十九年四月十五日忽有

抵通 獗五 舟而渡叉啸聚於安定縣之馬家堡因入官川里勢甚 動矣官兵夜追擊之賊遂從黃河以北繞至靖遠山後奪 四竄田五中鳥鎗自刎死而贼黨會集山中猶稱未 兵 **惑諸回遂入靖遠縱火燒木厰煙骸蔽天蘭州省城亦** 廟 先赴賊替十七日辰刻已過會安境賊問官兵至紛 一商賈雲集乃鞏昌府之一 潤縣之牛營堡徑奔馬營馬營為通渭衝衛距城九 月初六日西葦驛灰劫 除所俱為煨燼惟存禮拜寺初九日賊直抵渭 国家出 大都會也居民數千家 空賊遂於初七八兩日直 五

遠令李仲晦者原請王動帑練兵抵禦王故迂因循不聽 民登城鼓噪以示其泉未幾賊果來幸城外無民居無從 適有密告王胥役中與賊通者王遂收之獄賊聞之圍愈 縣官王某四川進士也懦弱而寡謀初聞賊來邑紳前 **命四關廂居民拆毀房屋移居城內給之口糧親率諸軍** 反不如馬營之民尚有逃亡也當是時會寧為彈丸小邑 而四面受敵無井泉去河甚遠李堡初聞賊警送戒嚴即 「填塞道路凡倉庫衙署寺廟民居盡付烈炬靡有子遺 威

聞有舊更王朝宰居此遂於雨中扣門歇馬且欲問訊其 定尉已死於賊賊將至金壇坪去此不過二里許恐陷不 家不敢留亦不知有王朝宰者但云贼已至馬家堡聞安 大雷雨不得前從泥濘中叉行數里時夜將牛昏黑真辨 測請速行堡日若果爾命也如昌雨而進則前路高山梁 者懸重賞販竟不敢至郭城驛距城僅百里有鄉倉可 | 初去||而復來者數次李堡守益堅下令軍民有複殺 栗萬石堡懼為賊所擊率兵役營護之行至五十里舖 更崎嶇人馬 / 景賢 **墮當奈何乃集隨從者各持器械**

萬計各村民聞變驚逸呼號者亦以千萬計一見煙起則 一段路而死者亦以千萬計通渭既陷遠近驚駭惟恐官軍 錦炮之聲晝夜不絕賊往來於邑境蹂躪於村莊者以千 止鄉民知邑等來咸荷鋤捍衛又前行十餘里遇有司馬 而會年之民出逃者遇之以為賊至矣亦呼號奔竄自相 **訛傳賊至而各鄰邑難民聞會寕賊少肯絡繰趨赴而來** 庫縣令事也不宜前往矣堡乃還時賊氛愈熾蟻聚蜂屯 荆公道乾奉檄運糧草牛羊馳至軍營者謂之日城池倉 | 備賊來堡獨坐土室中衣帽淋漓滅燈待旦| 天旣明| 雨亦 THE REPORT OF THE PROPERTY OF

|滿標撫標||兩營兵五千名叉調四川屯練降番兵二千名 傅公壻也陝西巡撫畢公沅調西安同州各營兵暨西安 西安候撥又河洲韓土司兵一千名又五寺土司桑明雅 行而忽聞報至賊即至會寕矣適逢巴公前騎先驅賊騰 日過會岸見李堡初任未諳軍務為指示機宜堡隨送散 而散葢不虞巴公之驟至也於是西安將軍傅公玉帶兵 千名巴里坤副都統永公安自山西進京前來協動即 | 世界収員 F

之狼山出攻隴西伏羌一縣復攻靜崒州隆德縣城俱堅 侍衛章京等相繼而至大學士阿公桂叉挑選火器健銳 差大臣福公康安偕領侍衛內大臣海公蘭祭暨巴圖魯 **德亦帶兵一千名由秦州一路堵截延級鎮總兵官策**公 中等自願効力挑選精兵四百名而與安鎮總兵官三公 而居不下千餘家沿途資從者又數千人以至驛遞不通 兩營京兵一千名次第會集賊見官兵勢茲遂退聚隴西 **小坦又帶兵一千名由靜寧州一路堵截不數日而** 不動販乃至底店子底店子者在静阜州界回民聚俗

傲剛|而直||兩月之間鬆眉盡白實有守城功而滁弗及也 餘賊無 |皮地勢斷其樵汲立柵設卡時當三伏七日無雨賊| **踞為果穴築壘開溝為貧隅計實絕地也福公旣至為相 猶懷印綬似尚欲復任者遂伏法李堡時年五十餘貧而** 出奪路奔逃者官兵四面截殺賊投崖墮穽無算生擒萬 四 石峯在萬山中其高插天石路甚險惟北面 面重圍勻水不得遂大困七月四日夜半賊有佚圍而 脫者城旣不乃班師而通消王令忽從民間出 | 別代文具 王師北來遂退入石峯堡 た 線可上城

鴻泥不可尋偶來皖水共題襟循陔早誦歸田賦磨盾猶 其 公寬適為敬敷書院山長邊城僚屬重聚一 使司馬荆公道乾亦陞調池州太守而前任秦州刺史王 每譚往事輒欷歔欲泣而不能自已也陳公贈詩云隴上 首鼻蘭雅幾行三月烽煙金甲赤五年水雪蠶毛蒼心 響敵心乍喜放開歌跌宕豈因失馬怨崎崟眼前此會 難得且把松醪仔細斟荆公贈詩云分襟何意復登堂 明年述改教院江時按察使陳公出處已擢安徽布政 往事同孤壘天遣離人聚一 一方老我馳驅筋力憊輸 一方酒酣耳熱

報國有文章王公贈詩云河陽脫欖茹整鹽四首邊城飲 麗坂長驅昔並鞍險如蜀道豈辭難石峯紀事心逾壯講 院談兵膽衍寒帆逐雁聲催欲別歲如答意送將闌寓 薪木期無毀會聽在窗夜雨殘益情之也 廉計拙真同洴澼絖譚高欲捲雪霜髯冬烘病愈頭風 | 原 九

配纂修官四十五年充廣西副主考其明年冬捷江南道 避居迤西後能去仍還昆明八傳而至拙叟公生五子先 **鑄**者本籍浙江為錢武肅王後明成化問以遊幕至滇南 先生姓錢氏諱禮字東注號南園雲南昆明人其先有名 會司理監太監錢能出鎭雲南以其同姓欲引附鑄耻之 御史稽查通倉事務適是年二月逆回犯蘭州而甘肅 **古士散館為翰林檢討飽讀中秘書文名藉甚充** 生其長也少領異刻屬為學中乾隆二十七年進士投庶 書南園先生事 國史

者亦不至如此之多也臣雖不敢必其利令智昏甘受所 聞見誠使早發其奸則播惡不至如此之甚即陷於刑辟 望為藩司時畢沅曾兩署陝甘總督近在同城豈竟豪無 沅先生奏言 **昌販折捐固皆由王**亶望耽法營私但查**宣 賑事發獄已成矣誅竄者幾百人而獨不及陝西巡撫畢** 納貢名貪婪無厭官民苦之所屬州縣虧空累界奏請按 無人敢言事者居無何復劾山東巡撫國泰吏事廢弛借 餌惟是贍狗回護不使舉發甚非大臣居心之道奏入 是之奪沉解三級先是臺諫衙門自李滅芳左遷後

問且言 **先言不用全數彈兌苐抽盤數十封無短絀可也和遠起** |素奔走其門下者人皆為先生危及拉山東境而和 回館合先生請封庫次 授意於國泰爾縫輒以危言動先生先生日且到山東 和珅劉墉諾穆清等前往查訊當是時 言事臣有見聞不敢不告也已而有 劉墉深知其弊常與先生密商比到省盤庫則和珅 一声嗣後願 上覽奏即命軍機處傳訊遭對日御史例得 / 景賢 上勿受貢物俾天下督概無以藉 日徹庭折封則多係圓綵雜 和 旨隨同軍機大 **珅柄國而** 至 封 國 泰

諸商來領大呼日遲來即封貯入官矣於是商買皆紛紛 其言秘外人無有知者惟總管國子監事務尚書劉墉知 君慎自愛也是年八月以本官出為湖南學政到任後絕 是借諸商舖戸以充數者因詰問庫吏得其實遂出示召 年四月晉太常少卿轉通政司副使 部治以罪 而和亦無可如何也於是國泰與藩司于易簡俱挐交刑 具領庫藏為之一空復改道易馬往盤他處亦然案遂定 乙遂宜言於諸生日錢南園已將科場舞弊事面奏矣諸 上嘉之以澧敢言擢通政司黎議三十 上常召對便殿

節之際遂將諸事移交巡撫浦霖査辦而浦霖揑辭祭奉 學湖南時適荆州水災城圯而孝咸有活埋人命之案又 以為諸事皆已所發也 有匿喪應試並出首違礙書籍諸事者先生適在丁憂急 每日惟自課子弟讀書而已五十八年服闋北上先是督 不受未幾又丁拙叟公憂先生在籍閉戸讀禮絕蹟公門 科期滿有 干調不受陋規衡交取士 員齊印交巡撫而於次早啟行各官有追送賻儀者俱拒 一是聲 旨留任適丁母憂星夜出城宿於核舍即委 秉至公士子莫不感服迫處 一責以錢澧近在瞬省不

處慮開朋黨之禍先生上疏日軍機大臣應同在公所辦 事互商可否此定體也近惟阿桂在軍機處餘或在 **麹走多岐將來必生事端况** 時軍機大臣和珅與阿文成公桂議論不和辦事不同 恩以主事用選戸部江南司主事引 門或在 |奏奉部議草職留任 用即補戸部河南司員外郎復奉 養心殿帶領引見之例所以 南書房或在造辦處 上日澄為官尙知持正著加 內右門近接 切谷事畫稿司具皆 見奉 皇上加恩大臣了 旨授湖廣道御史 禁擬向來 旨以員外

一錢澧所奏甚是即命在軍機章京上行走當時阿文成桂 以下咸稱為南園先生不以名也惟和珅頻加詰究欲窮 事雖立正刑辟而所結已多杜漸防微理宜改正請 [為日既人不能|不與內監抑熟萬] 亦同 **令與百官露立是以設廬許得暫止每日清早於未辨色** 難處之事卒不能屈轉貧商確耳六十年乙卯扈 上街諸大臣悉照舊章同止軍機處其 體以昭畫一之規 /景賢 上覽奏遂切責諸大臣謂 有如從前高雲從之 圓明園辨事

深陽九月還京偶威風寒遂病卒年五十六是年冬浦霖 燈卒幾無以治喪先生亟典質二百金為賻而率諸生俱 時巡撫為吳江陸耀耀居官清正毎事必商稱為知已適 受之毋却也其風義如此 福建巡撫任內事伙法京師越四年已未正月和珅 · 太冠步行往弔遂俯伏慟哭曰公生平不名 | 賜 死刑部獄中情先生之不及見也初先生提學湖南 一錢願

歸娶時年二 **周孝子名芳容字鐵巖華亭人其父文榮弱冠遊楚自** 喪不成禮 、貌後八年楚中移文至華亭則容死歸州官舍矣實乾 五十八年九月十七日也時芳容已十四歲祖父母猶 **祚衰薄親戚皆聞訃而嘆豈能往楚迎柩乃招魂設奠** 以省親旋里不數i 家無毫末之產賴其母汪勤事紡織仰事俯畜叉以 書周孝子事 一 既 而 祖 父 母 相 繼 死 臨 終 撫 芳 容 歎 日 書事 、其明年生芳容又明年復往楚越 月即去芳容纔六歲稍能記其聲 楚

為童子師見人畫蘭竹竊效其法叉於書肆中得曹全碑 易因於嘉慶十七年二月附漕艘傭書入都先是芳容賞 焚香告家廟日此去不得父骨誓不歸矣又思途長費重 無父之人哉遂屏棄葷血茹齋衣素節日用爲母氏餘糧 為尋親孝子使我瞋目九泉乎芳容泣而志之由是始有 孤貧下士豈能徒手遄征必至京隨宦遊者以往事或佾 而芳容自顧年已及壯可跋涉險阻乃自奮日天下豈有 (骨歸葬之念而連遭喪病家亦奇貧筆耕所出不能謀

途吳中往仕者指不勝屈橐筆幕遊意不計重值當無所 也六月抵京師寓西河沿之泰來店徧謁同郡官輦下 一殘本亦時時臨仿旣登舟以其餘晷學書作畫又取官僚 就道無時吾為尋親而出無論佐人持籌握算下 泣告之故皆憫然歎息許為覓楚館初意江漢為天下通 僚從苟可因以到楚者皆所願也又以此意告同郡諸· 難乃遲之叉外竟不可得芳容自思曰必待遊幕往楚則 中啟事尺牘晨書夕寫以爲數者兼習之庶可藉以遊楚 **亦皆哀憐其志而楚館仍不可得遂擬行乞道路訪求踪**

詳述其故寶德挾芳容起日汝即周文榮之子今已成立 里觀汝形容傫然一寒士勢不能枵腹往返其難一也歸 **舍則故鄉數客在焉坐有戴寶德者年逾六旬曾與文榮** 期於正月初商之至時復往適有朝士在坐閣者導入傍 同客歸州芳容向之號位叩頭求示以旅瘗處耿適至爲 誼乃往告其事求其資以薄少為出都計耿以歲將逼除 甚急時當十二月同里耿君省修方以需次在京甚篤交 跡而寓京半年典太度日積逋甚多寓主人督促族費又 **/ 楚尋親耶孝哉孝哉雖然自京師至歸州水陸數千**

能尋覓其難二也孤子當室家有內顧之憂自宜昌以 代汝訪之候有影響卽以相告然後往尋未晚也芳容哭 然其愚不可及也汝旣有此孝思當為汝圖之今歸州 如母夫人倚閭之望何其難三也為今之計莫如暫且 一盡潔白之養我官江夏日久賓客多有從歸州來者 一波絕險舟行稍一 於戊午已未間遭白蓮教之亂城垣房舍盡 而處此者皆流移雁戸汝父渴葬亂塚中兵火之餘 一耿復告以將行乞往尋之事寶德歎日愚哉愚哉雖 /書事 失勢即下飽魚鼈汝縱孝不顧身 已焚燬

義之士不汝欺也是日耿首倡餽贐袁方伯秉直趙 熟遊齊魯各官署適流落在京乃日子善書畫而無門 投吾多交遊而無物為贄盡牽連南行彼此各有所濟 秉沖輩俱有所贈足以稍資屏屢明日戴持書至復 江寧鍾君光範我友也作書付汝齎以往見鍾君乃好 將束裝向漢口有同寓張某者金陵人曾為某郡司 改近地歸時當相見里門也乃敦勉而去芳容走別 京楚船甚多屈指可達也遂於十八年正月二十四 紙归自漢口西上 一記載極詳不憂迷道戴因親老

身焦灼如火飲井水敷升神思稍定次日病不能起時 相 都後芳容日行風霜|雨露中寒煥失度 他去芳容獨坐旅舍愁思淒然忽念同郡史君本泉 初届 懼不敢畱欲徙置鄰廟廟故推頹無主 由臨淮至正陽關舟行 出京 准 教諭盍往訪之兼問入楚道路乃與張分手自 斃芳容乃日吾本孤客主 泗間癘疫流行多朝發夕死者主人見芳容 路 書事 **取筆墨所給僅足餬** 四日始投止 人慮之固當然吾病 口抵臨淮 旅店頭目暈 飢飽無時精神 旅病者移置 四 眩 病

草草時觀者甚多皆怨鬼主人相畱不復議徙醫者以史 恐病中失去故以相託因指銀日盡此醫病病如不起即 雖劇心實了然藥之可以卽愈且吾有大事未了爲吾招 駭叩得其詳日此吾師之戚大孝子也病必無虞汝輩勿 書色動邀鄰齊至醫刀壽州諸生受業於史君者見書甚 里正當告以故未幾里正至語以將入楚尋親迂道往穎 以具殮過核一人過此以書視之必有反吾柩者里正閱 君故盡力診治日或二三至七日熱稍退漸能餔糜叉七 一訪史君事又出戴宕書及囊中銀一鋌曰吾命懸此書

書畫數十幅以已名刺遺齋夫徧投門下諸生諸生有答 者饒銀或四三錢或五六錢聚之得二十餘兩因具衣履 將就試江邱若同舟以往則旋松江甚便以死父而缺生 **陽關兩月資斧衣裝又復罄盡乃步至額上謁史君於學** 母之養孝者不爲也芳容志不可轉史惻然憐之乃命作 舍見芳容病容柴瘠體無完衣固止其行言其次子熙文 別史君而行自頡上至漢口道經商雒黃麻閒一 日病愈因急欲登筵當風薙髮病復大作自此之後或因 食復病或因勞復病直至六月初旬始能步履已畱滯 /書事 H

盛瘴烟毒霧終日不一 章從領穿袖而出芳容悸不敢動又夜行靑石頒下山半 稀少崇巖巨嶺綿亘千餘里為車馬所不通行者惟乗竹 舍處輒據石倚樹露宿草間或風雨驟至往往淋漓達日 伏恭道多梗塞芳容則麻鞋短服日行三四十里遇無旅 一因竄身荒塹間以兒叉山蹊過雨水勢洶洶赤腳行石 轎日費千錢非有力者不能也加以秋暑未退草木正 炯然以為人也呼之燈忽不見聽猛虎一 山家檐下夢中為物所驚覺則有長蛇一條照質白 開霽又滑縣邪教將飢好人乘間 聲遮道而

欲恕之官也芳容駭甚明日俟多人為伴始敢前行山中 地名往流集者芳容至此不能復前數人先去未幾有雨 在京時戴君以路程目相贈凡江途夷險城市疏密及停 人倉皇而反日過此八九里峯廻路轉處突出十餘人挺 所經危險之地不可勝數及抵漢口則已清風戒寒矣前 **孙交下却所有以去已斃一人餘谷他竄吾所以逃歸者** 易艇旅行水宿之事無不詳備遂依目中所載附估 中忽踵決膚裂流血不已時有賣草帽者數人同行有 行適公安水發不能前進枉道由洞庭湖折而西 /書事

飲食俱缺檢隨身物凡值 咄自語同舟者怪而問之不以實告也至宜昌空囊如洗 舟中側席而坐臨食而歎時時以淚洗面或竟夜不眠 張獻忠所夷乃柵要害守之近復煅於冠亂重事版築 上灘汝宜酉意明日過青灘水勢狂悍石角參錯波濤間 干餘文易舟就道是夕芳容夢其父形貌如昔誠曰明 口抵歸州城下自宜昌浮江上溯灘灘梯接勢若建瓴 ,舟舟漏緩沉没江中既出險各質重生乃於九月初 城瀕江設險雞鳴犬吠恍在霄漢明初崇墉屹立後為 一錢半雖者悉付質庫得錢 咄

- 擔簽當行尋郊外裹草根片土招魂歸葬於孝子之心亦 府方招集流亡疏節澗日與民生聚由是間閻闖劉較舊 役徐某避亂居巴巫間常囘州應役一日至署芳容適在 民墓田丙舍皆已為谷為陵矧旅機耶汝旣來此且少弛 制更嚴且整芳容就寓州署之側乃持戴君書謁東目鍾 民皆非疇昔即十年前事知者甚鮮光二十年耶土著之 可無憾如欲求眞骨以歸正恐徒勞無益耳芳容固求公 鍾見書駭然 因偏詢州役及城內外琳宮佛宇訖無知者州有老 derin lan 一再閱之基然日此鄉自被冠後城郭

塘依稀偏左自遭敎匪蹂躪恐迷其處矣鍾謂芳容日今 容聞之感泣不能止急詢壓埋之所日似在東關外骨墳 歸惟許姓爲具棺礆雖事越二十餘年猶能記其髣髴芳 略得影響子宜移寓就近東關外有太平庵者可往居中 已氣絕牀上藥甌猶在手也時黃本官與戴姓者在省未 座鍾問日前一 日黃有幕客周病殁於署汝知之乎日知之其年某為 總董率各役黃本官係六月到任攜幕客三人 周周到署已病一 一十年浙有黃公鍾岱官此汝知之乎曰 祖 一童子侍逷藥一日童子喚某入則 一戴

為商旅叢葬之所芳容傴僂草際求之不可得次日復往 莽陳陳相因擬盡半月之功窮索痓所吾萬里遠來不得 尋覓日將越仍不可得芳容自念日此問四五里白骨如 為導至骨墳塘塘去城 明當遣徐某為導求其殯所芳容乃移窩庵中次日乞徐 係江蘇松江府華亭縣人左行云歿於癸丑年九月十七 **父骨當投江而死耳正然疑間忽見十餘步外片石半沒** 日卯時右行云某年月日同人公立芳容心喜極而悲鳴 / 華華 二里荒山鳳草四周立石爲界

若迎歸故里則江路遼遠約略計之非二 挾芳容歸寓明日趨告鍾鍾欣然日親骸旣獲大志已慰 容決意頁骨歸鍾不能止日此事宜告本州次日乃告州 慟不能起欲露宿塚上徐某謂地多豺虎常白晝 一已久不如無動南宋大儒多有父母異葬者可法也苦 劉公清祥劉憫芳容志命里正與伍伯 約及筆墨疏布小刀之屬澤於重九日登山收骨是 一黃布囊 油紙數幅綿紙八 百金不可且掩 為助鍾亦遣 、番蠶綿 齧

拾骨伍伯展油紙陳之土工次第加擴裹以綿紙芳容乃 餘墨拓石上字數紙爲歸日徵信然後掩石入土歸 以血和墨寸別件記凡若干股裝為一 骸見芳容擀踊哀號以口銜左臂肉右手持刀割之用力 战命東郭尤勝時登高者數十百人聞有此事至骨 一猛皮裂及肘叉割之以肉抵叉頦齶間輒膠合如漆左 一
沾漬骨上亦深入不流乃掬泥掩創裹以疏布匍

一 無不淚下稱歎乃負骨至太平庵冀賣書 下敢土見相則前和已朽觸處糜濫棺破 一直直

武當爲之介紹乃謁將軍於江上各敘故舊并告以不能 **發官皆三雨幕客三人各二兩已二十餘兩矣張將軍賻** 孝行如某而因不能歸官勘土者之咎也首賻白銀五雨 歸骨之故將軍惻然許為謀之次日鍾歡笑而至日大好 作歸計而窮途跼蹐費無所出有湖州商人某亦來遊叩 及里居因日今遊擊張將軍廷國亦松江人也子如未 @際昨有晏會文武官皆集張將軍以汝事告劉公公謂 - 緡遺旗牌檄江船送至漢口刻期於三日後起程堂 八好遭際哉芳容悄然不知所對因遺僕遵芳容謝劉

為吾子孫勸也又徧謝文武諸官芳容臨行鍾君持劉 張將軍乃由漢口易舟而東舟人於柁樓配金龍神甚虔 舟居人出郭爭視途爲之塞時嘉慶十八年九月二十 芳容亦早晚焚香稽首禱求默助牛月餘竟達里門急省 公劉延至書室命以隷寫孝經數幅日藏此孝子手跡| 、母雖望眼將穿猶幸康健如昔因寄骨城東佛舍懸所 4刻字於前扶老母哭而祭之聞者皆爲酸鼻旣而)及解纜風順水急不數日即達漢口作書託旗牌謝 通俾歸投華亭縣互相咨昭遂白衣冠負骨登

常庸行所及將聞其事於 葬則又相顧詫爲奇絕也歸時以劉公官封書投華亭周 盗賊死宜昌灘險幾破舟死葢及於死者數矣非耿君不 **公 煒 葬 旣 畢 問 招 至 署 中 獎 歎 不 置 以 為 至 性 至 情 非 尋** 君實德改官金華尉乞假省親適芳容貧骸骨歸亦來送 兆於祖墓之旁營治井槨即於十一月初九日安葬時戴 能出京非戴君書卽往歸州與不在等非史君濟以資斧 京師時幾凍餓死正陽關幾病死商雒萬山中幾中鄉虎 不能至漢口非鍾君遺老役指述力任其事無由覓塚得 朝旌門如制是役也芳容在

一榮之靈其母汪氏之節鄉邦親故賑窮救患之德而尤敬 芳容之至孝為不可及也其事與蘇州黃向堅萬里尋親 棺非劉州牧與張將軍倡賻贈舟不能浮江歸里乃瀕死 相類記之以傳其人焉道光三年三月勾吳錢泳書 更生負骨窀穸得報其祖父母造命於地下者皆其父文 /書事

					•	
老中汤晉苑刻印 姑蘇閒門內願市				<u>-</u>		